

INFORME ECONÓMICO-FINANCEIRO

Expediente núm.:

6913/2025

O Alcalde que suscribe, en cumprimento do disposto no artigo 168.1.g) do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, e no artigo 18.1.e) do Real Decreto 500/1990, de 20 de abril, polo que se desenvolve o Capítulo I do Título VI da Lei Reguladora das Facendas Locais, ten a ben emitir o seguinte Informe Económico-Financeiro ao Proxecto de Orzamento para o exercicio do ano 2026.

OBXECTIVO

O presente informe ten por obxecto expoñer as bases utilizadas para a avaliación dos ingresos, a suficiencia dos créditos para atender o cumprimento das obrigas esixibles e os gastos de funcionamento dos servizos e, consecuentemente, a efectiva nivelación do Orzamento.

- I. BASES UTILIZADAS PARA A AVALIACIÓN DOS INGRESOS, se realizan por medio dun estudio pormenorizado dos importes que figuran nas Previsións Iniciais do Estado de Ingresos do Orzamento, co obxecto de poñer de manifesto as posibles desviacións que puideran darse entre as cantidades consignadas e os dereitos que realmente se esperan recoñecer ó longo deste exercicio..
- II. BASES UTILIZADAS PARA A AVALIACIÓN DAS OPERACIÓNS DE CRÉDITO PREVISTAS, con expresión do seu importe, o detalle das características e condicións financeiras de toda orde en que se prevén concertar, con especial referencia á carga financeira que pesa sobre a entidade, antes e despois da súa formalización.
- III. SUFICIENCIA DOS CRÉDITOS PARA ATENDER Ó CUMPRIMENTO DAS OBRIGAS ESIXIBLES E OS GASTOS DE FUNCIONAMENTO DOS SERVIZOS.
- IV. EFECTIVA NIVELACIÓN DO ORZAMENTO.

I.- BASES UTILIZADAS PARA A AVALIACIÓN DOS INGRESOS

Farase, neste punto, un estudio dos importes consignados en cada un dos capítulos do Estado de Ingresos:

A. IMPOSTOS DIRECTOS

- 1) Imposto sobre bens inmobles.-A estimación das previsións iniciais do Imposto de Bens Inmobles de Natureza Rústica conta cunha dotación inicial igual á prevista en exercicios anteriores por este concepto, para o que se tomou como referencia o padrón do indicado tributo así como os dereitos recoñecidos netos do exercicio 2024 e avance do 2025.

Concello da Estrada

Prza. da Constitución, 1, Estrada, A. 36680 (Pontevedra). Tfno. 986570030. Fax: 986570233



Mantense a previsión do Imposto de Bens Inmobles de Natureza Urbana, trala modificación da ordenanza fiscal reguladora deste imposto, por acordo Plenario do 26 de outubro de 2023, en función do padrón, da regularización catastral e, dos ingresos liquidados nos últimos exercicios ao igual que as exencións aos centros sanitarios de titularidade pública, as bonificacións establecidas para as familias numerosas e para usos agrícolas.

O concepto 114.00 recolle o Imposto sobre Bens Inmobles de características especiais, que mantén a dotación prevista en anos anteriores, en función do padrón do imposto.

2) A.2. Imposto sobre vehículos de tracción mecánica.

Mantéñense as previsións de ingresos por este concepto. Tomouse como base o padrón deste imposto ao que hai que engadir as altas do exercicio 2025 como consecuencia de novas matriculacións; a todo elo hai que restar as baixas que se produciron nos suxeitos pasivos incluídos no padrón do ano pasado, que foron declarados exentos por minusvalía, así como as bonificacións aprobadas por acordo plenario do 18 de decembro de 2014 (100 por cento vehículos históricos e de antigüidade igual ou superior a 25 anos e do 50 por cento para vehículos eléctricos, de biodiesel ou movidos por hidróxeno). Non se produciron actualización de tarifas neste concepto.

3) A.3. Imposto sobre o incremento do valor dos terreos de natureza urbana.

Mantense a previsión, tendo en conta a evolución das liquidacións por este concepto dos últimos exercicios, nela inclúese unha estimación de ingresos en voluntaria e en executiva, como consecuencia da existencia de cantidades pendentes de exercicios anteriores. Non se estima unha variación substancial polo cambio normativo que obriga á modificación da ordenanza.

4) A.4. Imposto de actividades económicas.

Neste concepto, recolléronse tanto as cotas municipais como as cotas provinciais e nacionais; así mesmo, inclúese a estimación de ingresos de cotas nacionais procedentes de telefonía móbil e transporte.

Respecto das cotas municipais, efectuouse unha estimación sobre a base das entregas a conta que xa se veñen efectuando, así como unha previsión de ingresos en concepto de liquidación de voluntaria 2025 e recadación executiva.

As cotas provinciais e nacionais, estimáronse sobre a base das últimas entregas efectuadas.

Mantense a previsión en función da recadación dos últimos exercicios.

B. IMPOSTOS INDIRECTOS.

Imposto sobre construcións, instalacións e obras.

Axústase a previsión de ingresos en función dos expedientes que se veñen tramitando no departamento de urbanismo e a evolución dos mesmos. A



implantación do Plan Xeral está permitindo que se tramiten iniciativas tanto públicas como privadas, que desenvolven o propio planeamento, a través dos correspondentes Plans Parciais ou Plan Especiais de Reforma Interior, o que permitirá a instalación de edificacións tanto de uso comercial/industrial coma residencial. Estímase un incremento tanto de obras menores como de proxectos urbanísticos que xa se atopan en fase de tramitación. Concretamente, durante o vindeiro exercicio avanzaran na tramitación dos Plans Especiais que desenvolverán os sectores denominados no Plan Xeral de Ordenación Municipal como SUNC-R01 e SUNC-R02.

C. TAXAS E PREZOS PÚBLICOS.

- 1) Neste apartado incrementase en termos globais a previsión.

Mantense a previsión en varios conceptos recadados polo O.R.A.L. como ás taxas de auga e sumidoiros e incrementase a taxa de recollida de lixo en función da evolución dos últimos exercicios liquidados, dos padróns aprobados e da actualización dos mesmos. Mantéñense as previsións por intereses de demora e recargos de apremio.

Incrementase a previsión nos prezos públicos por instalacións e actividades deportivas (campus deportivo), gardería municipal e as organizadas polo departamento de servizos sociais, en función do recadado e da maior participación nas distintas actividades.

- 2) Taxas por abastecemento de auga, sumidoiros e recollida de lixo. Mantéñense as previsións de ingreso nos conceptos de auga e sumidoiros por estes conceptos e incrementase a taxa por recollida de lixo, en función da evolución da recadación dos últimos exercicios liquidados e das actualizacións dos padróns correspondentes.
- 3) Taxas por prestación de servizos no conservatorio de música. Mantense a previsión en función das taxas por matrículas ingresadas.
- 4) Taxa por apertura de establecementos. Mantense a previsión dos dereitos recoñecidos por este concepto, en función da recadación.
- 5) Taxa por licenza urbanística. Aumenta a previsión atendendo ás expectativas de maior actividade urbanística durante o exercicio.
- 6) Participación por ingresos de telefónica. Incrementase a previsión da compensación a aboar pola telefonía fixa pola intensidade da ocupación do dominio público municipal, en función dos dereitos recoñecidos.
- 7) Multas e sancións. Mantense a previsión por este concepto en función dos dereitos recoñecidos.
- 8) Taxa por aproveitamentos especiais de empresas. Mantense a previsión en función das liquidacións practicadas e os expedientes pendentes de liquidar pola taxa por utilización privativa ou de aproveitamento que realizan empresas no solo, subsolo e voo do dominio público municipal. Prevese o ingreso de revisión de liquidacións de exercicios anteriores.



- 9) Taxa por servizos en lonxas e mercados. Mantense a previsión con respecto a 2025.
- 10) Taxa por prestación do servizo de axuda no fogar. En función da evolución das liquidacións practicadas en exercicios anteriores, en concordancia co gasto, tendo en conta a previsión de novas altas e baixas se vaian producindo.
- 11) Taxa por expedición de documentos. Toman como base a cifra de dereitos recoñecidos netos en exercicios anteriores.
- 12) Taxa por prestación de servizos de prevención e extinción de incendios, auxilios e salvamentos de persoas e bens e outros análogos a cargo do serv. municipal de Protección Civil. Mantense a previsión en función do dereitos recoñecidos por este concepto.
- 13) Prezo público pola prestación do servizo de gardería infantil. Incrementase a previsión nos dereitos recoñecidos por este concepto, en función dos ingresos recadados en anos anteriores.
- 14) Prezo público por "Actividades sociais, deportivas, xuvenís e outras". Incrementase a previsión de recadación, como consecuencia da maior participación da cidadanía nas distintas actividades organizadas polo Concello nas áreas de servizos sociais e deportes fundamentalmente.
- 15) Recargos, intereses de demora e outros. Mantense a previsión nos intereses de demora, recargos e incrementase no caso de outros ingresos en función da recadación acadada na última liquidación.
- 16) Contribucións especiais. Inclúese a previsión polas "contribucións especiais polas obras de acometida de auga á rede xeral" xa que faise preciso establecer un sistema equitativo á hora de realizar por parte dos cidadáns a conexión á acometida de auga, sobre todo despois da realización das obras da traída do Umia.

D. TRANSFERENCIAS CORRENTES

- 1) Recóllese no capítulo IV do Estado de ingresos aquelas aportacións de distintas procedencias percibidas sen contraprestación, con destino á financiación de gastos correntes.
- 2) Participación nos tributos do estado. Incrementase a previsión na participación nos tributos do Estado, en función das entregas a conta dos últimos meses do exercicio 2025, da información que se extrae do anteproxecto de LOXE para o ano 2026 e das liquidacións definitivas dos últimos exercicios.
- 3) Transferencias correntes da comunidade autónoma, da Deputación provincial e outras entidades. Trátase, na maior parte, de ingresos afectados ás finalidades que se determinan nas resolucións de concesión das subvencións, e a súa estimación realizouse consignando aquelas achegas que se veñen percibindo polo Concello de forma recorrente.

Fondo de Cooperación Local. Incrementase a previsión en base aos datos



facilitados pola Xunta de Galicia, que inclúe un novo modelo de financiación, con unha prestación básica e fondos adicionais par Centros de Saúde, Conservatorio e xestión de residuos. Prevese igualmente a liquidación correspondente ao exercicio de 2024. Contablemente, pasa a computarse no concepto 450.00, recollida en anos anteriores no concepto 450.84.

A previsión da Consellería de Política Social incrementábase en consonancia cos aumentos de gato nos servizos que financia: atención temperá, concilia, servizo social base e servizo axuda no forgar, entre outros.

Mantéñense con respecto ao exercicio de 2025, as aportacións da Consellería de Presidencia, da Deputación Provincial e da Consellería de Medio Rural para o financiamento dos gastos relativos ao GES.

Ao igual que nos exercicios precedentes, inclúese como previsión a achega da Consellería do Medio Rural para as brigadas de incendios e motobomba, en función do convenio correspondente.

Prevese a aportación da Consellería de Sanidade ao servizo de prevención de drogodependencias, en función a última subvención da subvención que se está tamitando, en consonancia co concedido en anos anteriores.

A Consellería de Promoción do Emprego Comercio e Emigración financia igualmente os servizos de emprego e plan concilia.

Non se prevé inicialmente a aportación da Deputación Provincial para o financiamento do gasto corrente, con cargo ao "Plan + Provincia"; será obxecto de tramitación dos correspondentes expedientes de xeración de crédito unha vez acordadas pola Deputación as finalidades específicas.

Fundación Pública Urgencias Sanitarias. Mantense a previsión dos dereitos recoñecidos por este concepto en función da recadación.

E. INGRESOS PATRIMONIAIS

No relativo a intereses de depósitos, inclúense como previsión os intereses das contas operativas e de alta remuneración.

Téñense en conta igualmente os canóns e concesións administrativas.

F. ENAXENACIÓN DE INVERSIÓNS REAIS

Mantense a previsión de ingresos por este concepto.

G. TRANSFERENCIAS DE CAPITAL

Non se recollen como previsións, os ingresos procedentes da Deputación Provincial, da Xunta de Galicia e do FEDER, xa que optouse por xerar crédito cas aportacións das distintas administracións, co obxecto de axilizar a tramitación dos expedientes de contratación e a execución dos investimentos correspondentes.

II.- BASES UTILIZADAS PARA A AVALIACIÓN DAS OPERACIÓNS DE CRÉDITO PREVISTAS

Concello da Estrada

Prza. da Constitución, 1, Estrada, A. 36680 (Pontevedra). Tfno. 986570030. Fax: 986570233



1. Operacións de crédito a curto prazo

As entidades locais poden concertar operacións de crédito a curto prazo ou operacións de tesourería para cubrir déficits temporais de liquidez derivados de diferenzas de vencemento entre ingresos e pagos.

Son asimilables a estas operacións, e polo tanto, teñen o mesmo tratamento e límites, as pólizas de crédito, ou a emisión de pagarés, abonarés, etc. como instrumento de pago (e, ó mesmo tempo, como medio de obtención de crédito, o que xustifica idéntico tratamento que as operacións de tesourería).

As operacións de tesourería teñen un tratamento extra orzamentario, o que implica que tanto a súa formalización como a súa cancelación non teñan o seu reflexo no orzamento, excepto as consignacións necesarias para o abono dos xuros xerados polo importe das disposicións (aplicación 011.310.28).

Non obstante, é conveniente facer referencia, neste apartado, á situación da Entidade nesta materia, a efectos de determinar:

- Límites, conforme ós requisitos legais que regulan a materia:
 - o De acordo có disposto no artigo 51 TRLRFL, o importe das operacións de tesourería non poderán exceder no seu conxunto do 30% dos ingresos liquidados por operacións correntes no exercicio anterior, salvo que a operación se realice no primeiro semestre do ano sen que se practicase a liquidación do orzamento de ese exercicio inmediatamente anterior.

DEREITOS RECOÑECIDOS OPERACIÓNS CORRENTES EXERCICIO 2024	17.143.772,18€
PORCENTAXE APLICABLE	30,00%
LÍMITE PARA A CONCERTACIÓN DE OPERACIÓNS DE TESOURERÍA	5.143.131,65€

- o Polo tanto, polo que a este *ratio* se refire, é posible a concertación de operacións de tesourería polo límite máximo indicado.
- Órganos competentes para a concertación de novas operacións:
 - o A tenor do disposto no artigo 52.2 TRLRFL, a concertación de operacións de crédito a curto prazo corresponderalle ó Presidente da Corporación cando o importe acumulado das operacións vivas desta natureza, incluída a nova operación, non supere o 15 % dos recursos correntes liquidados no exercicio anterior.

DEREITOS RECOÑECIDOS POR OPERACIÓNS CORRENTES EXERCICIO 2024	17.143.772,18€
PORCENTAXE APLICABLE	15,00%
LÍMITE Á CONCERTACIÓN DESTE TIPO DE OPERACIÓNS	2.571.565,83€



- O límite das operacións de tesourería a concertar polo Alcalde non poderá exceder de 2.571.656,83€.
- Se o importe das operacións que se prevexan concertar supere o 15 % dos recursos por operacións correntes, deberá acudir ao Pleno da Corporación para a aprobación das novas operacións.

2. Operacións de crédito a medio e longo prazo

A. Se se concertase algunha operación destinada á financiación dun gasto corrente de carácter extraordinario e urgente, habería que estar ó disposto no artigo 177.5 TRLR-FL:

- Maioría absoluta do número legal de membros da Corporación para a súa aprobación.
- Que o importe total anual non supere o 5% dos recursos por operacións correntes do Orzamento:

DEREITOS RECOÑECIDOS OPERACIÓNS CORRENTES EXERCICIO 2024	17.143.772,18€
PORCENTAXE APLICABLE	5,00%
LÍMITE Á CONCERTACIÓN DESTE TIPO DE OPERACIÓNS	857.188,61€

- Que a carga financeira da entidade, incluída a derivada das operacións proxectadas, non supere o 25% dos expresados recursos:

A carga financeira calculouse sobre a base dos seguintes plantexamentos: A anualidade teórica de amortización (ATA) calcúlase no caso dos préstamos concertados a longo prazo, polo sistema de amortización de préstamo francés, tendo en conta a anualidade completa, con independencia do que se prevea imputar este ano en concepto de amortización ou xuros. Nos préstamos nos que nos atopamos en período de carencia, calculouse a ATA tomando un número de anualidades incluídas a de carencia (postura adoptada por unha parte da doutrina, ante a falta de desenvolvemento regulamentario).

ANTES CONCERTACIÓN DA OPERACIÓN	DESPOIS CONCERTACIÓN DA OPERACIÓN
$(859.688,00/17.143.772,18) \times 100 = 5,01\%$	$(933.954,92/17.143.772,18) \times 100 = 5,45\%$

- Que as operacións queden canceladas antes de que se proceda á renovación da Corporación que as concerte.

B. Concertación dunha nova operación de crédito



- Entenderase por aforro neto a diferenza entre os dereitos liquidados polos capítulos I ó V, ambos inclusive, do estado de ingresos, e das obrigas recoñecidas polos capítulos I, II e IV do estado de gastos, minorada no importe dunha anualidade teórica de amortización das operacións proxectadas e de cada un dos préstamos e empréstitos propios e avalados a terceiros pendentes de reembolso.
- Os criterios para o cálculo da anualidade teórica de amortización son os seguintes:

Tívoise en conta, un tipo de interese de referencia (Euríbor trimestral) do 2,50%, máis o diferencial correspondente a cada préstamo, no caso do préstamos a tipo variable. No caso das operacións concertada nos exercicios de 2015 e 2016 aos tipos de intereses fixos do 1,224% e 0,84% respectivamente, o cálculo realízase tendo en conta estas porcentaxes.

- En canto á operación proxectada para o 2026, e en consonancia cos cálculos realizados en exercicios anteriores, estímase que o tipo de interese concertado para o último préstamo (neste caso o de 2022) como criterio máis acertado.

Todo elo, adóptase ante a falta de determinacións legais, e os diversos pronunciamentos doutrinais existentes na materia, á espera de que un desenvolvemento regulamentario do TRLRFL o dispoña noutro sentido.

- Mantense para o exercicio 2026, o establecido no apartado dous do artigo 14 do R.D.L. 8/2010, polo que se adoptan medidas extraordinarias para a redución do déficit público, segundo redacción dada pola disposición final decimo quinta da Lei 39/2010 de P.G.E. para 2011, e prorrogada para o 2012, segundo a disposición adicional decimo cuarta do R.D.L. 20/2011 de 30 de decembro de medidas urxentes en materia orzamentaria, tributaria e financeira para a corrección do déficit público, esta última, na redacción con vixencia indefinida dada pola D.F. 31ª da Lei 17/2012 de 27 de decembro de Orzamentos Xerais do Estado para o ano 2013 que se transcribe a continuación:

"DISPOSICIÓN FINAL TRIGÉSIMA PRIMERA. *Modificación del Real Decreto-ley 20/2011, de 30 de diciembre, de medidas urgentes en materia presupuestaria, tributaria y financiera para la corrección del déficit público.*

Con efectos de la entrada en vigor de esta Ley y vigencia indefinida, la disposición adicional decimocuarta del Real Decreto-ley 20/2011, de 30 de diciembre, de medidas urgentes en materia presupuestaria, tributaria y financiera para la corrección del déficit público, queda redactada como sigue:

«Las Entidades Locales y sus entidades dependientes clasificadas en el sector Administraciones Públicas, de acuerdo con la definición y delimitación del Sistema Europeo de Cuentas, que liquiden el ejercicio inmediato anterior con ahorro neto positivo, calculado en la forma que establece el artículo 53 del Texto Refundido de la Ley Reguladora de las Haciendas Locales, aprobado por



Real Decreto Legislativo 2/2004, de 5 de marzo, podrán concertar nuevas operaciones de crédito a largo plazo para la financiación de inversiones, cuando el volumen total del capital vivo no exceda del 75 % de los ingresos corrientes liquidados o devengados según las cifras deducidas de los estados contables consolidados, con sujeción, en su caso, al Texto Refundido de la Ley Reguladora de las Haciendas Locales y a la Normativa de Estabilidad Presupuestaria.

Las Entidades Locales que tengan un volumen de endeudamiento que, excediendo al citado en el párrafo anterior, no supere al establecido en el artículo 53 del Texto Refundido de la Ley Reguladora de las Haciendas Locales, aprobado por Real Decreto Legislativo 2/2004, de 5 de marzo, podrán concertar operaciones de endeudamiento previa autorización del órgano competente que tenga atribuida la tutela financiera de las entidades locales.

Las entidades que presenten ahorro neto negativo o un volumen de endeudamiento vivo superior al recogido en el artículo 53 del Texto Refundido de la Ley Reguladora de las Haciendas Locales, aprobado por Real Decreto Legislativo 2/2004, de 5 de marzo, no podrán concertar operaciones de crédito a largo plazo.

Para la determinación de los ingresos corrientes a computar en el cálculo del ahorro neto y del nivel de endeudamiento, se deducirá el importe de los ingresos afectados a operaciones de capital y cualesquiera otros ingresos extraordinarios aplicados a los capítulos 1 a 5 que, por su afectación legal y/o carácter no recurrente, no tienen la consideración de ingresos ordinarios.

A efectos del cálculo del capital vivo, se considerarán todas las operaciones vigentes a 31 de diciembre del año anterior, incluido el riesgo deducido de avales, incrementado, en su caso, en los saldos de operaciones formalizadas no dispuestos y en el importe de la operación proyectada. En ese importe no se incluirán los saldos que deban reintegrar las Entidades Locales derivados de las liquidaciones definitivas de la participación en tributos del Estado [...]"

- A estes efectos, no exercicio 2026, as entidades locais que liquiden o exercicio de 2025 con aforro neto positivo, calculado segundo se establece no artigo 53 do R.D.L.2/2004, poderán concertar novas operacións de crédito a longo prazo para o financiamento dos investimentos, cando o volume total do capital vivo non exceda do 75 % dos ingresos correntes liquidados ou devengados.

As Entidades Locais que teñan un volume de endebedamento que, excedendo ao citado no parágrafo anterior, non supere o 110 % establecido no artigo 53 do TRLRFL, poderán concertar operacións de endebedamento, previa autorización do órgano competente que teña atribuída a tutela financeira das entidades locais.



- No cálculo do capital vivo teranse en conta tódalas operacións vixentes a 31 de decembro de 2025, incluído o risco deducido de avals, na posible operación proxectada a longo prazo para 2026.
- A continuación móstrase para o Concello da Estrada a porcentaxe de endebedamento, segundo á débeda viva a 31-12-2025:

ENTIDADE FINANCEIRA	IMPORTE CONSOLIDADO/ CONCERTADO	EN CIRCULACIÓN 31-12-2025	PREVISIÓN 2026
PRÉSTAMO ABANCA (2022) 500-5031-004576-1	2.500.000,00€	2.125.000,00€	2.125.000,00€
PRÉSTAMO ABANCA (2021) 500-5031-004305-6	300.000,00€	225.000,00€	225.000,00€
PRÉSTAMO ABANCA (2020) 500-5031-3979-6	1.708.361,92€	1.110.435,22€	1.110.435,22€
PRÉSTAMO ABANCA (2019) 500-5031-3831-2	240.000,00€	138.000,00€	138.000,00€
PRÉSTAMO BBVA (2018) 60201671	350.000,00€	148.750,00€	148.750,00€
PRÉSTAMO EDUSI (B.SABADELL) 271276971	845.000,00€	338.000,00€	338.000,00€
A BANCA (2017) 500-5031-2975-7	490.000,00€	183.750,00€	183.750,00€
B.B.V.A. (2016) 0182 6244 44 0830000133	490.000,00€	134.750,00€	134.750,00€
BANCO SABADELL (2015) 807591139036	549.895,81€	96.231,61€	96.231,61€
TOTAL	7.473.257,73€	4.499.916,83€	4.499.916,83€
OPERACIÓN PROXECTADA 2026			746.100,00€
TOTAL CON OPERACIÓN PROXECTADA 2026			5.246.016,83€
RECURSOS OPERACIÓNS CORRENTES EXERCICIO 2024		17.143.772,18€	17.143.772,18€
PORCENTAXE DE ENDEBEDAMENTO		26,25%	30,60%

- Como se observa, non se supera o límite máximo do 75% que fixa a D.F. 31ª da Lei 17/2012 de Orzamentos Xerais do Estado para o ano 2013.
- Segundo os datos da liquidación do orzamento de 2024 (última aprobada) e as previsións de tipos de interese para 2026, o aforro neto resulta positivo tal e como se detalla no seguinte cadro:

INGRESOS	EXPRESIÓN	DRN
1	IMPOSTOS DIRECTOS	4.733.160,93
2	IMPOSTOS INDIRECTOS	252.683,54

Concello da Estrada



3	TAXAS E OUTROS INGRESOS	2.511.136,44
4	TRANSFERENCIAS CORRENTES	9.584.750,73
5	INGRESOS PATRIMONIAIS	62.040,54
TOTAL CORRENTES		17.143.772,18
GASTOS	EXPRESIÓN	ORN
1	GASTOS PERSONAL	6.031.983,73
2	COMPRA BENS E SERVICIOS	8.897.274,59
4	TRANSFERENCIAS CORRENTES	592.329,55
TOTAL CORRENTES		15.521.587,87
AXUSTE POR OR FINANCIADAS CON REMANENTE (cap.I a IV) 2025		4.163.652,49
ORN AXUSTADAS		11.357.935,38
AFORRO BRUTO		5.785.836,80
CARGA FINANCEIRA		859.688,00
AFORRO NETO		4.926.148,80
Operación prevista para 2026		74.266,92
AFORRO NETO DESPOIS DA OPERACIÓN PREVISTA 2026		4.851.881,88

- Órgano competente para a concertación de operacións de crédito a longo prazo e ó Presidente da Corporación cando o importe acumulado dentro de cada exercicio non supere o 10 % dos recursos por operacións correntes previstos no orzamento. Cando o importe supere a porcentaxe indicada, a competencia para a aprobación será do Pleno da Corporación.

CAPÍTULO	DENOMINACIÓN	PREVISIONS
1	IMPOSTOS DIRECTOS	5.028.000,00€
2	IMPOSTOS INDIRECTOS	600.000,00€
3	TAXAS E OUTROS INGRESOS	2.885.438,00€
4	TRANSFERENCIAS CORRENTES	10.089.173,00€
5	INGRESOS PATRIMONIAIS	92.175,00€
TOTAL CORRENTES		18.694.786,00€
LÍMITE OPERACIÓNS PTAMO A CONCERTAR POLO ALCALDE (10%)		1.869.478,60€

III.- SUFICIENCIA DOS CRÉDITOS PARA ATENDER Ó CUMPLIMENTO DAS OBRIGACIÓNS ESIXIDAS E OS GASTOS DE FUNCIONAMENTO DOS SERVICIOS.

No capítulo I, recóllense os créditos suficientes para facer fronte ós gastos de persoal.

Concello da Estrada

Prza. da Constitución, 1, Estrada, A. 36680 (Pontevedra). Tfno. 986570030. Fax: 986570233



Os postos de traballo que figuran no anexo e cadro de persoal correspondente ao Orzamento do exercicio 2026, aparecen recollidos na Relación de postos de traballo do Concello da Estrada en vigor e na modificación pendente de tramitar.

Nas previsións para o ano 2026 mantense a dotación para facer fronte aos gastos de salarios e seguridade social do GES, prevención de drogas e outros servizos que contan con subvencións das distintas administracións.

Mantense a dotación relativa ás regularizacións xudiciais en previsión de que se produza algún gasto neste sentido.

Mantéñense as aplicacións creadas como consecuencia da inclusión de contratacións da bolsa de interinidade para varios departamentos municipais.

No capítulo II, os créditos consignados son suficientes para a cobertura de gastos correntes e de servizos asumidos pola Entidade. Prevéase unha reorganización dos créditos iniciais neste capítulo, dentro da política de optimización de recursos, o que permitiu conseguir unha mellora na calidade e número de servizos que se prestan aos cidadáns, acadando un equilibrio máis que óptimo entre o gasto a realizar e a calidade do servizo prestado. Consígnase neste capítulo os créditos necesarios para dar soporte á licitación de contratos dos servizos de augas, recollida de lixo, parques e xardíns, servizos sociais, gardería, cultura e deportes. Mantense igualmente dotación orzamentaria para facer o mantemento da praia fluvial.

Nos capítulos III e IX recóllense os créditos suficientes para facer fronte á carga financeira, aspecto ó que se fixo referencia no apartado correspondente.

Nos capítulos IV e VII, recóllense as cantidades aportadas polo Concello, sen contraprestación, con destino ao financiamento tanto de gastos correntes (Capítulo IV) como de capital (Capítulo VII). Inclúense, así mesmo, as subvencións que teñen carácter nominativo (que, polo tanto, non están sometidas ós principios xerais de publicidade e concorrência); destas últimas faise mención expresa nas Bases de Execución de Orzamentos para 2026 con indicación da aplicación do Orzamento de Gastos á que se imputa, destinatario e importe.

Recóllense no capítulo VI os gastos detallados no Anexo de Investimentos

Dos importes consignados en cada un dos capítulos do Orzamento de Gastos dedúcese a suficiencia dos mesmos para atender ó cumprimento das obrigas esixibles e ós gastos de funcionamento dos servizos.

IV.- NIVELACIÓN DO ORZAMENTO

Tendo en conta o anterior e, unha vez expostas as bases utilizadas para a avaliación dos ingresos e a suficiencia dos créditos para atender o cumprimento das obrigacións previstas e os gastos de funcionamento desta entidade, así como, as operacións de crédito previstas, dedúcese a efectiva nivelación do orzamento conforme ao establecido no apartado 4 do artigo 165 do TRLRFL, e preséntase o Orzamento sen déficit inicial.

O Alcalde, en A Estrada.

DOCUMENTO ASINADO DIXITALMENTE AO MARXE

Concello da Estrada

Prza. da Constitución, 1, Estrada, A. 36680 (Pontevedra). Tfno. 986570030. Fax: 986570233

